


17501201  
38

批244.19  
38  
:6



大庾縣志

同治十三年秋重刊

大庾縣志

板藏縣署

重修大庾縣志序



庾邑據西江上游古稱險要宋以來文明漸啟亦儒雅邦也余乙丑莅任見乎山川形勝猶是而風景凋殘知爲痛創之後未知其典章文物率蕩然無遺也方欲求掌故以資治譜且爲續志詢邑人士無有應者嗣有人以道里圖進度廣輪不實求舊志愈亟益不可獲嗟乎秦火雖烈曾壁猶存顧獨無人焉出灰燼之餘抱殘而守闕更可慨矣維時戎馬倉皇興修未由今幸頻年大熟催科不勞而廢墜畢舉城濠旣浚祀典斯崇育嬰之費方籌課士之資再擴皆從前郡伯黃公後相與有成而修志之舉亦其一也

大庾縣志

卷之首

序

一

初無依據嗣由省購得舊志全集披閱一過始悉乾隆中

前邑令余公

光璧

錄從府志加以己裁規模始具迨咸豐

元年郡守汪公

報閏

續修二冊各爲一書汪志距今未久

然而戶口之登耗人文之微顯習俗之改移吏治之優絀未可前後同觀就今所見二志余取備門類汪僅繼增雖無異同具有得失其所簡畧多忽於近即如疆域廣狹道路里數輿圖南北四正四隅按籍而求乃所志與前呈圖同一舛訛釐正之責後烏可諉況二十年中數遭變故水火刀兵之災忠孝節義之事言之動魄驚心失今不紀久恐無徵至承平之後興復建置例以編年皆不可沒然則

討陳編輯新紀俾藏室仍稱完好踵事之增曷可少哉余  
鑑前失每因公便親歷邊境詳諮父老故自繪輿圖按十  
里一方大畧麤備然終為幅限仍多刪簡茲役初延石芸  
齋觀察徐晴軒別駕草創之繼延子功山長仙舫學博續  
纂先後數年始成全稿將以次付梓其為考古證今補亡  
仍闕裁以義例綴以跋言具見苦心諸君子若任採訪若  
任校對又能斟酌盡善襄成信書以告先鄉昭示來許非  
徒為余一人助理余幸素願之克酬竝為此邦大典慶也  
抑更有感焉昔我從祖香泉公以詩人守南安受事日淺  
有惠政曾手輯郡志未竟後世猶稱之余修志差慰而碌

大庾縣志

卷之首

序

二

碌曠官不能及一物誦述先芬其滋慙也夫豈

同治十年辛未秋月即補同知知大庾縣事陳蔭昌謹序

續志汪序

余於庚戌孟夏來守南安下車之始卽行取各屬志書以備省覽惟大庾無以應緣志板早燬於火並舊刷亦無存者當此文獻就湮謂非守土者亟宜圖之乎因商之邑宰及兩學廣文搜求舊志久之始於故家子覓得一部蓋已絕無而僅有矣雖舊本不無殘闕模糊處而大體具備居然完書惟溯自乾隆戊辰修志之後迄今時逾百年其間嘉言軼事官舍既少文案可徵邑人又鮮紀事之作今欲續志仍如前志之綱舉目張不遺細末勢所不能猶幸道光初年有石

家紹

明府曾編輯續草一冊尙存堪爲依據

大庾縣志

卷之首

序

三

至近今三十年爲時未久邑人士尙有能記憶考徵者因卽就所見聞復加采訪補纂於石明府續草之次共爲續志二卷與舊志各成一書不使前後混淆其舊志中闕誤處亦因仍之不敢妄逞臆見冀存真面目也夫志乘爲信今傳後之書假所纂輯之始先不足以信今又烏能以傳後哉故是役也秉筆者咸慎守此意而猶未敢自信所續者果有當否用是別刻存之仍待後之君子論定若夫舊志越百年而再新或庶幾乎不無抱殘守闕之功焉是則重刊斯志之意云爾昔咸豐元年辛亥初秋知南安府事

山陽汪報閏撰

續志楊序

自古邑有志猶國之有史師古曰志記也積記其事也蓋其事不過山川風俗人物政事其於今昔之異同人心教化之關係不記之無以知山川之不易無以徵風俗之淳薄無以見人物之盛衰無以考政事之得失入其境則茫然其何以供採覽資考鏡也哉顧邑志不可少尤不可廢也大庾之邑舊非無志閱今百餘年之久其間板籍湮沒欲復其初而卒未能究亦不得其人矣今桐階汪太守舉邑志事與明府廣文及邑人士遍搜遺志遺稿採訪增續不遺餘力未幾而書成曰大庾縣志二十卷曰續志二卷

大庾縣志

卷之首

續序

四

雖無著述之見而舊者仍之蓋其慎也續者有則書之闕而不錄非畧焉以取信也太守之心如此太守之賢不止此也今得太守而大庾有是志則大庾有是志安可視爲易易哉覽斯志也不僅積記其事而已洵足以助後之修志者供採覽資考鏡焉是爲序咸豐元年辛亥秋月同知南安府事光澤楊正祥撰

續志袁序

丙午歲中丞吳甄甫先生議修江西省志延門下士蔣君子瀟爲總纂命余與黃少鐵明府左右其事會中丞移節浙中朱丹木觀察陳臬陝西其事旋止而檄提全省縣志粗得披覽惟大庾闕如附見郡志假使當時草創有稿今余適宰是邑則踵事增修不難耳大庾爲五嶺之一以嶺名縣隋以前地志圖經皆不載事蹟唐張文獻鑿山通道風氣始開宋明人物始著

國朝乾隆初海禁盡撤洋貨駢臻四方貿遷絡繹南安府當江廣之衝遂成一大都會迄今百有餘年矣乾隆戊辰

大庾縣志

卷之首

續序

五

續修志板久燬於火從故家購得一部字多殘蝕然尙稱完書郡守汪桐階先生興廢舉墜籌款重刻邑人士將續記二卷附刻於後夫舊志不增損一字缺者仍之慎也續志簡畧姑剗厠存之勿使失遺亦慎也後日欲重修省志停輶嶺北采訪諮諏較前此之無志而今有志且復有續志編纂者力簡而事賅矣豈非良二千石與邑之士大夫維持文獻之功哉咸豐元年歲次辛亥六月大庾縣知縣

袁翼謹序

舊志游序

朝廷一統志褒直省通志以成書而通志則採諸郡乘郡  
又由縣志而集是縣志乃一統志之權輿也非得賢令尹  
躬親纂修有志與無志等余竊見修志者設局立館張大  
其役釀金鳩資延大夫士總裁校訂豐其廩餼寬其歲月  
夫固謂大夫士生長茲土所見所聞足以傳信詎知日月  
不改山河如故此中之愛憎取舍實良多沿誤匪淺有  
鑒於此者遠聘他邦碩望來主斯席風土各殊習尙未悉  
祇繙閱舊帙徵求引啟大加潤色炫厥辭華人情貴耳賤  
目輒頽首爲某處某名公手筆究於文獻奚當哉吾閩余

大庾縣志

卷之首

舊序

六

思瑕來尹大庾七載念庾爲府領袖邑屏江西而通五嶺  
縣志失修四十有八稔惄然者久余亦語思瑕宜亟顧唯  
唯若有待余意爲廉俸不能供館餼金錢不肯索士民他  
邦牢邀肯顧此間老成凋謝也乾隆戊辰秋忽袖稿商訂  
於余余不禁詫且喜繙閱再四其星野氣候沿革疆域則  
經天官地理而緯史鑑也其城池學署倉庾兵防戶口田  
賦貢稅庸調職官選舉祠墓人物則今昔存亡變易盛衰  
瞭然在目也若夫山川都鄙風俗人情土宜物產則皆邑  
侯數年中榻屐所經風雨所履父老子弟牧豎樵童所爰  
諮而爰諏也信者仍之疑者闕之亡者補之正省郡志之



傳訛或間出已見綴以識跋留叅後人嗚呼是可以傳信  
矣尙有徇私失實徒炫辭華之病哉吾故曰志必得賢令  
尹親修也思瑕余齊年友學問冠吾鄉幸同官爲僚故質  
言叙其大凡至自捐俸錢召匠尤爲牧令所難云乾隆十  
有三年秋月梅花郡長游紹安撰

大庾縣志

卷之七

舊序

七

舊志余序

縣志彙縣之土地人民政事爲一書傳往昔所以詔來茲也守土之官惟知縣爲難亦惟知縣爲易度司百職之政事畢舉而責一人不可謂非難而土地人民不甚遼廓一人聞見所得而周則又易爲理也士人學古入官苟不智昏于欲意蔽于私亦孰不以安民爲事然當閉戶讀書皆謂天下之大坐理有餘及一試之彈丸黑子則茫然失措非憚其難而苟且偷安卽忽其易而紛更滋擾動輒得咎比比皆是其盡才智有所不及哉南北異趨古今異尚燥濕異宜剛柔異性迷於其方未有不失其道也今夫適異

大庾縣志

卷之首

舊序

八

國者必先考其道途所經若村墟若都邑若城郭郵舍津梁以至山川草木厯厯如在目中然後水行舟陸行車投之所向得以不迷治邑何獨不然縣志一書固知縣事者之舟楫車轍及適遠之圖經也知前事可師不敢忽爲易成效可圖不敢諉爲難如烹小鮮勿割其鱗如牧羊然視其後而鞭之夫焉有不就理哉章帝詔曰安靜之吏惴惴無華日計不足歲計有餘如襄城令劉方吏民同聲謂之不擾雖未有他異斯亦殆近之矣馮道謂人曰吾嘗爲劉君僚佐觀其爲政無以愈人非能減其租賦除其徭役也但推公廉心愛之心以行之耳爲政無以愈人吏民謂之

不擾如二劉者難歟易歟惟其非難非易故苟得其道無  
適不宜苟失其道無往而可不有志書又烏足以知治道  
之所在耶余宰庾以來體察民情士俗前所已行者不敢  
不勉未行者不敢倖功步亦步趨亦趨日奉此書以爲程  
于茲七年矣惜其考核未精紀載未備傳鈔脫錯幾同斷  
簡殘編不堪入目因釐其失訂其訛增其所應有益其所  
未及勒成全書以付諸梓孟子不云乎諸侯之寶三土地  
人民政事今之州縣古之小侯也吾愛吾寶虞其久而或  
遺也故記之必謹後之典守者庶可按籍而增減其未至  
焉夫亦曰傳舊而已矣告新云乎哉昔乾隆戊辰重陽前

大庾縣志

卷之首

舊序

九

三日大庾令莆田余光璧自序

大庾縣志目錄

卷之首

序 續序 舊序 目錄 凡例

續例 舊例 重修縣志姓氏 續志姓氏

縣境全圖新 新老兩城圖改 學宮圖新 縣署

圖新 梅嶺圖舊 東山道源書院圖新

卷之一

地理志上

星野 沿革 疆域 山川氣候形勝附

卷之二

大庾縣志

卷之首 目錄

十

地理志下

水利 津梁 古蹟 土俗 物產

卷之三

建置志上

城池 鄉都 坊隘舖所礮臺附 墟市 壇廟

卷之四

建置志下

公署廢署附 倉庾 寺觀 名勝 坊表

卷之五

賦役志

戶口軍戶附

田賦屯田附

驛鹽

舊額

蠲免

原編

卷之六

學校志

學宮

學制

學額

書院

社學義學  
學田附

卷之七

禮樂志

典禮

樂章

祭文

卷之八

職官志上

大庾縣志

卷之首

目錄

十一

文職

武職

兵防

卷之九

職官志下

名宦

卷之十

選舉志上

薦辟

制科

進士

舉人

各貢

卷之十一

選舉志下

武進士

武舉人

行伍

贈蔭

捐封附

例仕 例職 考職 例貢 保舉  
耆賓

卷之十二

人物志上

鄉賢

卷之十三

人物志下

列女

寓賢

卷之十四

藝文志一

大庾縣志

卷之首

目錄

三

序記

卷之十五

藝文志二

記

卷之十六

藝文志三

記

卷之十七

藝文志四

疏

卷之十八

藝文志五

銘 贊 箴 頌 考

卷之十九

藝文志六

賦 書 論 約 引 詔 紀畧

卷之二十

藝文志七

碑銘 傳 行實 祭文 上梁文

壽序 告示

大庾縣志

卷之首

目錄

三

卷之二十一

藝文志八

詩

卷之二十二

藝文志九

詩

卷之二十三

藝文志十

詩

卷之二十四

雜類志

邱墓

祥異

拾遺

卷之二十五

紀變錄上

卷之二十六

紀變錄下

大庾縣志

卷之首

目錄

四



凡例

一庾志萬厯以前殘闕萬厯以後無徵府志例已言之矣  
舊志與府志同時纂修故凡紀載互異別無可考者多  
從府志今所存祇乾隆戊辰邑令余公光璧所纂暨咸  
豐辛亥郡守汪公報閏所續此次修輯原本二書其間  
增損移易考諸故實徵諸採訪證諸見聞參諸故老流  
傳竝非妄逞臆見謬爲去取也

一是書援引各志省乘統稱通志郡乘統稱府志余志曰  
舊志袁志曰續志分別標出今所補輯者注明新增以  
免混淆

大庾縣志

卷之首

凡例

五

一星野繫之輿地以星繫於野也吳越分屬揚州地最遼  
曠庾邑所繫不過分秒故不列天文統以地理括之  
一賦役最爲緊要我

朝薄賦輕徭較并田什一之法尤輕且簡也奉頒賦役全  
書鑑古準今斟酌盡善洵一時之美政萬世之良模也  
謹遵條欵詳核登載其前代舊制亦備紀以資考證  
一學額爲人才進階書院義學又所以培植人才南郡係  
周程講學之地教澤所涵庾邑先及流風餘韻至今猶  
在前此英才輩出奪鼎魁而登黃閣皆其驗也舊志漏  
載今竝增入

一選舉舊志與府志微有異同茲遵通志並購登科錄校  
正漏者補之訛者訂之今府志改列橫表眉目較清然  
限於方寸之地其人之事實不能詳載故仍舊直行依  
次今竝增入

一選舉中惟歲貢一途爲難倖獲畢生辛苦博此末路功  
名年不及待登仕籍者恒少所得止一虛名耳故紀載  
尤不宜畧舊志年次未詳府學多混載他邑文獻無徵  
姑仍之以俟參考

一舊志人物於理學文苑忠孝隱逸不另標名目統稱鄉  
賢沿通志例也茲悉仍舊其前乘缺載及近時著聞確

大庾縣志

卷之首

凡例

六

有可據者補登一二俾潛德幽光不致終晦云

一職官舊志武職大小悉登文職只列知縣統轄所及不  
載府屬防僭越也續志補入與府志漫無區別不合志  
例今仍從舊志

一列女以節烈爲重更有貞孝可嘉者無論曾否受旌但  
有實徵輒爲收入近因粵匪攻陷其志切守貞身拚殉  
難凜然莫奪者不乏竝附列紀變錄中亦史傳互見之  
法也

一寓賢舊志附列職官茲編入人物以諸人偶焉托足無  
尺寸柄建豎於茲惟其行芳志潔學邃養純爲當代名

流雖非生長斯土亦此邦人物之表率也故以類從  
一保舉爲當今曠典自咸豐間粵匪跳梁四郊多壘本地  
紳民或勸司籌餉或力任召募或登陴固守或拔幟爭  
先奇勲旣立懋賞斯加致此良非易易錄之以爲敵愾  
同仇者勸

一捐輸志例不載前志附列雜事細大不遺原係善善從  
長藉資獎勵近日公舉繁興經費半取民間勢難備錄  
不如概從刪抹以昭畫一非敢没人善行也其有興廢  
舉墜獨力捐貲者附見他條

一藝文錄其關地方利病繫建置原起增山川壯麗表人

## 大庾縣志

### 卷之首

凡例

七

物幽潛者此外風雲月露之詞往來贈答之什非其人  
其文足光簡帙不敢濫登其舊有前後失次體類不倫  
者概加釐訂

一志中增列紀變一條所載祇本邑殉難男婦若文武官  
員另爲立傳編入各宦其眷屬幕下與夫外商客勇具  
詳府志不復贅

續例

一續志據事直書有則續疑則闕無則不妄增

一志書自乾隆戊辰纂脩之後至今百有餘年考證鮮據採訪難周遺漏之弊知所不免

一查舊志知府同知經照府學未經紀載然知府同知統屬四邑大庾爲最官設經照亦有關係斯土庾邑考試文武入府學者額多今特補入

一藝文詔序詩文諸作或其人宦京師其版存他省其稿被蠹蝕難以搜輯止錄近來一二以備一冊

一文武官職宜照蒞任先後註明籍貫履歷但年代既久

大庾縣志

卷之首

續例

六

考稽無從故未詳悉編次

一科第選舉應照科分前後登載科第有科分可稽而三年兩貢加以恩拔恐有失次遺漏姑俟補入

一舊志未列義行名目平糶載入雜事志近年公舉旣多尙義捐糶不乏其人仍續入雜事志內

一查舊志所載有當增補有毋庸贅添者天文志如星野占驗氣候地輿志如沿革疆域鄉都坊隘形勝土俗山川水利物產建置如壇壝名勝古蹟邱墓寺觀禮樂志如典禮儀注齋戒祭器樂章祝文賦役志如上供稅課銅銀差徭驛站戶口田賦軍屯其中與廢裁制或宗古

籍或因時宜或遵部頒或採野乘斟酌盡善不敢妄增

大庾縣志

卷之首

續例

九

舊例

一脩志義例提要者爲編紀分注者爲條目必首是方能備舉而不遺有條而不紊省志分三十有二紀府志約爲十二綱以轄有遠近事有多少異也舊志仍通志而不合府志一紀只載一二條既不成卷帙又頭緒棼然何取立異爲哉茲合府志提綱者十則以一縣之事視一府爲尤少也

一縣志之脩與府志同時府志所有者一字不減府志所無者一字不增不知夫府以縣爲藍本抑縣以府爲藍本耶及觀府志例言所云庾志萬厯以前既已殘闕萬

大庾縣志

卷之首

舊例

三

厯以後文獻莫徵則知縣志悉從府志抄出無疑故於紀載之互異別無可考者多從府志蓋以府志雖成於署守遲公實香泉陳公所草藁庶乎其不差耳

一史家天文志多畧星野而詳祥異以星野古今不易祥異時代各異也通志則星野祥異各自爲紀不另立天文志又以星野祥異卽天文也府志首列天文爲綱星野爲目自是特識但又夷祥異於事考之中是歧而二之與董子所云天人相與可畏之意異矣茲則以天文爲綱分列星野祥異爲目遠宗國史近憲通志仍遵郡乘不嫌微有異同也

一建置之大者如城池闕隘廟壇衙署墟堤陂圳道路津梁創者在所必書即脩理之小者數椽片瓦簣土卷石亦必謹記蓋創者只在一時勤而脩之可以千古歐陽子所謂繼者皆如始作之心民到於今受其賜者此也況創者多在鼎革之時與設邑之始因勢乘便時至事起或動國帑或用民力不過任勞耳若脩者無所爲而爲無所藉而興實心實政凡以爲民厚意何可沒也書前事正以爲後事之師觀者幸無疑其瑣屑

一輿地以山川爲領袖山之發脈分支以至蟠結水之發源分派以至匯流相陰陽觀流泉必得山水之性情斯

### 大庾縣志

#### 卷之首

舊例

三

能得山水之功用古人度地居民茹毛食利成都成邑全在於此不徒審察形勢扼要守險可備不虞之緩急已也故山川之向背分合紀載最要分明然非身親經歷則傳焉或非其真語焉亦必不詳光壁在庾七年足跡幾徧所至必加探討故於向傳舊志敢於更定一二若亦以自信目見之比耳聞爲較真也

一戶役戶口田賦上供稅課起運存留支給悉照現在奉頒經濟全書詳核登載以資將來永遠考據其前代舊制府志所詳者亦不敢畧備紀之亦足以見我

朝鑒古而益善也

一職官武職不相統屬誼在同舟共濟例得大小悉登文職只列知縣統轄所及府屬雖首領以下不敢假借防潛越也若功德在庾卽軍府以上亦所必詳

一選舉中最難倖獲者惟歲貢一途畢生辛苦博此末路功名又年不及待登仕籍者十不一二是所得者祇一虛名耳故紀載尤不容畧舊志只載縣學不載府學豈食府餼者本邑獨無乎特以府志所載不註縣分難以考稽遂忍而出此耳夫與其盡削何如并存甯失於厚毋傷於薄以待此老生有識者知必不以爲濫

一府志舊有禮樂新志削去易爲祠祀始脩志之時儀注

大庾縣志

卷之首

舊例

三

樂章殘缺耳近奉新頒儀注新定樂章炳炳烺烺一朝制作自當仍志禮樂况就中典制原有宜古宜今者烏容一概抹却茲就見聞所及採掇補入以俟後來增訂庶免闕畧之譏

一職官志依履任前後以次列書有善則註於名下有尤善則詳於傳中間或賢否并存勸懲微寓省志府志久有定評詎得輕爲異論若新增諸傳非他書可據輿論足憑則斷不敢徇情濫及

一人物志古有酷吏諸傳以身居高位無一節可取者充之人皆以爲賤至不得與方技齒垂戒也今既不立是



傳則通志於理學文苑忠孝隱逸不擇低昂統歸人物  
總見其足以傳極爲特識府志似猶有人之見者存茲  
於府志編次仍循通志通稱而削去諸名目

一藝文志國史只載某書某人著有書名卷數而已通志  
乃登詩文篇章府志因之茲仍其舊然非有關於土地  
人民政事足以鼓勵風教標識勝蹟不敢濫登

一志例多以類從若零篇斷簡無可附麗及叢談軼事可  
佐揮塵擇其雅醇者彙爲一卷若夫言行詭異及鄙俚  
不經卽前志所有亦從刪抹

一志書仿史也官必書職人必書名雖尊親賢哲不諱所

大庾縣志

卷之首

舊例



以傳遠聞有變文書地書號則必所紀之事無係重輕  
若大事未有不名也

一宦職人物現存者例不得書以其人之德業聞望將來  
尙不止於是也若在任有設施則無不可詳紀以備遺  
忘

一舊志鈔本約二萬餘言上憲新任舊例必召寺僧給其  
紙筆分手繕錄殘闕既多訛錯尤甚每當呈獻慚慙不  
勝屢謀開局纂修需費約計數百金苦無所出思勉強  
自訂又案牘簿領忙撥不開今歲普免錢糧始得餘閒  
畧爲編輯文無可取字之訛錯庶幾免夫

一是編始於春杪竣於秋閏凡六閱月初稿粗就正擬細  
加改正適時疫盛行自秋徂冬奔走不暇加之賤疾間  
發不耐久坐束寘高閣欲供覆瓿偶因郡伯談及率出  
呈政遂令付梓不敢違命終以未經易稿爲憾事也  
一凡志書必列總裁監修鑒定校正諸公此書粗紀舊事  
淺陋疎畧寸心自知若更遺玷名流負歉益甚故亦不  
敢苟同

戊辰閏秋思瑕余光璧識

大庾縣志

卷之四

舊例

四

重修縣志姓氏

主修

鹽運司銜即補道南安府知府黃鳴珂山印貴州安平人舉人

協修

運同銜南安府同知嵇元鈞雪莊浙江烏程人軍功

即補同知大庾縣知縣陳蔭昌穀齋浙江錢塘人監生

總纂

按察使銜前安徽甯池太廣兵備道振邑圖魯石景葵芸齋饒州樂平人進士

續纂

候選訓導宋壽喬瓊圃袁州萍鄉人舉人

大庾縣志 卷之首 重修縣志姓氏

同知銜候補通判徐福忻晴軒浙江烏程人附生

分纂

六品銜署崇義縣訓導習逢試子功臨江新喻人舉人

大庾縣教諭錢賦山子臯臨江新喻人舉人

五品銜候選知縣大庾縣訓導林源濬仙舫袁州萍鄉人舉人

採訪校對

運同銜廣東直隸州知州傅成美大庾縣人

候選訓導謝鴻恩大庾縣人

貢生張從周大庾縣人

縣丞銜譚道賢大庾縣人

貢

生

劉登禹大

庾縣

人

附

生

陳亨棟大

庾縣

人

附

生

譚德培大

庾縣

人

重修縣志姓氏

續纂大庾縣志姓氏

主修

南安府 知府汪報閏江蘇山陽人  
南安府 同知楊正祥福建光澤人

協修

大庾縣 知縣袁翼江蘇寶山人  
南安府 教授周誥 鄱陽人  
南安府 訓導湯邦杰 臨川人  
大庾縣 縣教諭兼訓導甘棠 南昌人

纂修

大庾縣志 卷之首 續志姓氏

三

廩貢 生譚習篆  
廩貢 生周禮

校對

拔貢 生周作棟

儒童 童譚之藻 俱大庾人

同治十三年秋重刊

# 歸德府全圖


## 錢塘歸德府

大庾縣志

卷之首

縣境全圖

二六



南


# 大庾縣志

## 卷之首

### 縣境全圖

二五

北



廣東大嵐界  
信豐下坪界



# 大庾縣志

## 卷之首

縣境全圖

三十

### 改定縣境四正四隅

東至府屬南康縣界清泥逕壹百壹拾里

舊志悞載九十里今改正

南至廣東南雄州界臺嶺大梅關二十五里

西至廣東韶州府仁化縣界黃蘗嶺一百八十里

北至府屬崇義縣界湯瓶嶺二十五里

東南至贛州府信豐縣界楊梅嶺一百七十里

東北至府屬崇義縣界白視八十里

舊志悞今改正

西南至廣東南雄州界百順司一百四十里

舊志悞今改正

西北至府屬崇義縣界聶都山一百二十里



新老兩城圖






大庾縣志

卷之首

新老兩城圖

三十二

學宮圖





大庾縣志


卷之首

學宮圖

三十三

縣署圖






梅關圖

大庾縣志

卷之首 縣署圖

三十四



大庾縣志


卷之首

梅嶺圖

三十五

東山道源書院圖





東山道源書院圖 三十六

